

Broj: 07-02-1413/25
Sarajevo, 05.06.2025. godine

**FEDERACIJA BOSNE I HERCEGOVINE
URED PREMIJERA**

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 13-06-2025			
Org. jed.	Broj	Priloga	Vrijednost
05/1	- 02 -	162	125

PREDMET: Inicijativa u vezi sa Zahtjevom Grada Zenice za izdavanjem vodne saglasnosti na lokalitetu „Poslovne zone JUG“ - odgovor,
dostavlja se-

Veza: Vaš akt broj: 01-02-223/25 od 28.05.2025. godine
Odgovor AVP Sava na inicijativu, akt broj: 10/40-590-2/25 od 29.05.2025. godine

Poštovani,

U skladu sa vašim zahtjevom, u prilogu dostavljamo odgovor Agencije za vodno područje rijeke Save, broj i datum navedeni u vezi, kao odgovor na zastupničko pitanje Kenana Uzunovića koji je već dostavljen Vladi Federacije BiH.

Napominjemo da je AVP Sava institucija nadležna za izdavanje vodnih akata prema Zakonu o vodama („Službene novine Federacije Bosne i Hercegovine“, broj 70/06) i Zakonu o upravnom postupku („Službene novine Federacije BiH, br. 2/98, 48/99 i 61/22), a da je ovo Ministarstvo drugostepeni organ u postupku izdavanja vodnih akata.

S poštovanjem,



Prilog: kao u tekstu

Dostaviti:

1. Naslovu,
- ② Kenan Uzunović, zastupnik u Predstavničkom domu Parlamenta Federacije Bosne i Hercegovine,
3. Sektor za vode,
4. a/a



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

BOSNA I HERCEGOVINA
FEDERACIJA BOSNE I HERCEGOVINE

VLADA

Ul. Hamdije Čemerlića br. 2
71000 Sarajevo

Naš znak/Our ref.: **10/40-590-2/25**

Vaš znak/Your ref.:

Datum /Date,

Bosna i Hercegovina
Federacija Bosne i Hercegovine
FEDERALNO MINISTARSTVO POLJOPRIVREDE
VODOPRIVREDE I ŠUMARSTVA
SARAJEVO, ul. Hamdije Čemerlića 2

Primljeno:			
Org. jedin.	Broj	Datum	Vrijednost
		03-06-2025	
		29.05.2025. godine	

PREDMET: Inicijativa - Odgovor, dostavlja se

Veza: Vaš akt broj: 03-04-709-11/2025 od 09.04.2025. godine

Poštovani,

Vašim aktom navedenim u vezi, zaprimljenim na protokolu Agencije dana 14.04.2025. godine, dostavili ste radi postupanja u skladu sa nadležnostima "Agenciji za vodno područje rijeke Save" Sarajevo, inicijativu koju je podnio Kenan Uzunović, poslanik u Predstavničkom domu Parlamenta Federacije Bosne i Hercegovine.

Aktom se traži od Vlade FBiH donošenje Zaključka kojim se potvrđuje da je projekat izgradnje Koridora Vc, koj se realizira putem JP „Autoceste“ Federacije BiH, od općeg interesa i strateškog značaja za Bosnu i Hercegovinu, te da su „Autoceste“ Federacije BiH u cilju pribavljanja građevinske dozvole na trasi kroz Grad Zenica, bile u obavezi riješiti pitanje deponovanja viška inertnog građevinskog materijala iz tunela i sa trase buduće Autoceste.

Ova Agencija nije dala saglasnost niti izdala vodni akt za deponovanje materijala u inundacionom pojasu rijeke Bosne, što je Investitor bio obavezan pribaviti jer se radi o vodotoku I kategorije u vlasništvu Federacije BiH kojim upravlja ova Agencija.

Vezano za predmetnu problematiku želimo istaći da se ova Agencija već očitovala Uredu Premijera svojim aktom broj: 10-1342-2/24 od 09.12.2024. godine (kopiju ovog akta dostavljamo u prilogu) te da ostajemo pri stavovima navedenim u tom aktu.

Napominjemo da prema članu 96. stav (1) Zakona o vodama, tačkama 7., 10., 14., 16. i 17., na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte a naročito, prema tački 16. istog člana, podizati zgrade i druge objekte koji ne služe odbrani od poplava i koji sprečavaju prilaz vodotoku na udaljenosti manjoj od 10m od linije dopiranja velikih stogodišnjih voda za sve površinske vode izuzev ako je vlasniku ili korisniku uvjetovana izgradnja objekta prethodnim preduzimanjem zaštitnih mjera kojima se onemogućuju ili smanjuju štetne posljedice od voda, za što se JP „Autoceste“ Federacije BiH nije obraćalo prije izvođenja radova (deponovanja materijala), čime nisu ispoštovane odredbe ovog člana Zakona.

U ovom konkretnom slučaju uobičajena zakonska procedura nije ispoštovana i ne može dozvoliti nelegalno individualno i parcijalno rješavanje uređenja (nasipanja i formiranja) desne obale rijeke Bosne i zaštite od voda bez adekvatnog sagledavanja i rješavanja cjelokupnih mogućih uticaja od štetnog djelovanja voda, jer postoji mogućnost negativnih uticaja na taj način izvedenih radova na uzvodni i nizvodni potez, te suprotnu obalu rijeke Bosne.

U ovom trenutku moguće je da ova Agencija izda vodni akt za saobraćajnice koje su planirane van linije dopiranja velikih voda rijeke Bosne ranga pojave 1/100, dok će eventualno izdavanje vodnog akta za preostale saobraćajnice koje su planirane unutar plavne linije biti moguće tek nakon izvođenja radova na regulaciji korita rijeke Bosne na predmetnom lokalitetu, kao zaštitne mjere kojom će biti postignuta adekvatna zaštita od štetnog djelovanja velikih voda rijeke Bosne, a sve u skladu sa procedurama koje su od ranije poznate nadležnim službama Grada Zenica.

S poštovanjem,



v.d. DIREKTOR

Dženana Remić, dipl.ur.

Obradivač akta:

Nihad Pezo, dipl.inž.građ.

Prilog: kao u tekstu

Dostaviti:

- Naslovu (prilog),
- ⊖ Federalno ministarstvo poljoprivrede, vodoprivrede i šumarstva (prilog),
- Sektori 10, 40,
- a/a.



Adresa: Ul. Hamdije Čemerlića 39 a
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

BOSNA I HERCEGOVINA
FEDERACIJA BOSNE I HERCEGOVINE

URED PREMIJERA

Ul. Hamdije Čemerlića br. 2
71000 Sarajevo

Naš znak/Our ref.: 10 - 1342 - 2 / 24

Vaš znak/Your ref.:

12-12-2024

Datum /Date, 09.12.2024. godine

PREDMET: Urgencija - Očitovanje, dostavlja se

Veza: Vaš akt broj: 01-02-795/24 od 02.12.2024. godine

Poštovani,

Vašim aktom navedenim u vezi, zaprimljenim na protokolu Agencije dana 06.12.2024. godine, dostavili ste "Agenciji za vodno područje rijeke Save" Sarajevo dopis gosp. Kenana Uzunovića i Amela Isaka, zastupnika u Predstavničkom domu Parlamenta Federacije Bosne i Hercegovine, u kojem iznose navode o određenim opstrukcijama od strane ove Agencije vezano za izgradnju poslovne zone "Zenica-jug". S tim u vezi, po nalogu Premijera Federacije Bosne i Hercegovine, zatražili ste naše očitovanje po navodima iz pomenutog dopisa.

Kao prvo želimo istaći da "Agencija za vodno područje rijeke Save" Sarajevo sve svoje aktivnosti provodi u skladu sa odredbama Zakona o vodama ("Službene novine Federacije BiH", broj: 70/06) i pratećih podzakonskih akata iz segmenta upravljanja vodama. Ako određeni zahvat u prostoru nije u skladu sa navedenom legislativom, te u skladu sa tim ova Agencija ne izdaje saglasnost za isti, ne može se reći da vršimo opstrukciju već samo tražimo provođenje pozitivnih zakonskih propisa.

Što se tiče predmetne aktivnosti - izgradnje poslovne zone "Zenica-jug", možemo dati sljedeće očitovanje:

Nadležne službe Grada Zenica podnijele su zahtjev ovoj Agenciji za izdavanje vodnog akta za izgradnju pristupnih saobraćajnica i uređenje prostora.

U okviru upravnog postupka za izdavanje vodnog akta analizirana su dva prethodna pitanja, što je i slučaj kod svih aktivnosti koje se realizuju uz vodotoke I kategorije za koje je nadležna ova Agencija, a radi se o mogućoj koliziji razmatrane aktivnosti sa vodnim dobrom i poplavnim područjem. Tom prilikom je utvrđeno da je jedan dio saobraćajnica planiran unutar linije plavljenja velikim vodama 1/100 rijeke Bosne, odnosno da za iste važe zabrane gradnje u poplavnom području propisane članom 96. stav (1) tačka 16. Zakona o vodama.

Kako bi se riješio ovaj problem te omogućilo uređenje prostora za predmetnu poslovnu zonu dana 23.08.2024. godine održan je radni sastanak u prostorijama ove Agencije. Tom prilikom je zaključeno da će Agencija izdati vodne akte za saobraćajnice koje se nalaze van poplavne linije rijeke Bosne, dok će kao druga faza biti izdani vodni akti za preostale saobraćajnice kada bude realizovana potrebna pregradnja - regulacija korita rijeke Bosne.

Mislili da smo sa ovim na neki način definisali naredne korake na izgradnji poslovne zone "Zenica-jug".

Na prijedlog Gradonačelnika Zenice kao i nadležnih službi dana 04.11.2024. godine održan je novi radni sastanak na predmetnu temu u prostorijama Agencije. Tom prilikom predstavnici Grada Zenice su zatražili da se razmotri mogućnost prihvatanja izmjene morfoloških uslova na terenu u odnosu na mjerodavnu poplavnu liniju rijeke Bosne koja je definisana na osnovu LIDAR snimanja terena obavljenog 2018. godine. Naime u zadnjih nekoliko godina, tokom gradnje dionice autoputa na području Grada Zenice izvršeno je odlaganje značajnih količina raznovrsnog materijala na desnoj obali, upravo na lokalitetu buduće poslovne zone "Zenica-jug".

Usljed ovih radova desna obala je izdignuta za nekoliko metara u odnosu na lijevu obalu korita, a izvršeno je i nasipanje samog korita čime su bitno narušeni hidraulički uslovi tečenja na predmetnom lokalitetu.

Prema riječima predstavnika Grada Zenice najveći dio materijala deponovanog na lijevoj obali rijeke Bosne potiče od zemljanih radova na izgradnji koridora Vc.

Ukoliko bi AVP Sava prihvatila sadašnje stanje sa aspekta poplavne linije, odnosno prihvatila da trenutno desna obala zbog izvršenog deponovanja nije u zoni plavljenja, na neki način bi prihvatila opravdanost ovakvog zahvata što je u suprotnostima sa odredbama Zakona o vodama.

Napominjemo da ova Agencija nije dala saglasnost niti je izdala vodni akt za deponovanje materijala u inundacionom pojasu rijeke Bosne, što je Investitor bio obavezan pribaviti jer se radi o vodotoku I kategorije u vlasništvu Federacije BiH kojim upravlja ova Agencija.


S poštovanjem,

v.d. DIREKTOR

Dženana Remić, dipl.ur.

Obrađivači akta:

Nihad Pezo, dipl.inž.grad.


Mirza Bezdrob, dipl.inž.grad.


Dostaviti:

- Naslovu,
- Sektoru 10 30, 40,
- a/a